



Deddf Safonau a Threfniadaeth Ysgolion (Cymru) 2013

2013 dccc 1

RHAN 4

CYNLLUNIAU STRATEGOL CYMRAEG MEWN ADDYSG

87 Rheoliadau a chanllawiau

- (1) Caiff Gweinidogion Cymru wneud rheoliadau ynghylch cynlluniau strategol Cymraeg mewn addysg.
- (2) Caiff rheoliadau wneud darpariaeth bellach am y materion canlynol (ymhlith pethau eraill)—
 - (a) ffurf a chynnwys cynllun;
 - (b) amseriad a hyd cynllun;
 - (c) cadw golwg ar gynllun a'i ddiwygio;
 - (d) ymgynghori yn ystod y broses o lunio cynllun a'i ddiwygio;
 - (e) cyflwyno cynllun i gael ei gymeradwyo;
 - (f) pryd a sut i gyhoeddi cynllun.
- (3) Caiff y rheoliadau wneud darpariaeth i alluogi dau neu fwy o awdurdodau lleol i lunio cydgyllun, a chaiff unrhyw reoliadau o'r fath addasu unrhyw ddarpariaeth yn y Rhan hon o ran y modd y mae'n gymwys i gydgylluniau.
- (4) Rhaid i awdurdod lleol, wrth arfer ei swyddogaethau o dan y Rhan hon, roi sylw i unrhyw ganllawiau a ddyroddir gan Weinidogion Cymru.